

3. Yog tus txiv ho tau tag sim neej los tus niam yuav tsis muaj feem xyuam los nres tus txiv lub ntees lawm.
4. Suav txij li hnuv tus txiv tau tuaj xyuam phaj nrauj tus niam hauv Koom Haum lawm. Yog Koom Haum tso xov li 3 zaug rau tus niam, yog nws tsis tuaj muab kev koom tes qhov no Koom Haum yuav tau tso kev rau tus txiv mus tom ntej. Tsis tag li suav txij hnuv no mus yog tus niam tau tag sim neej los tus txiv yuav tsis muaj feem xyuam los pam nws lawm.
5. Yog tus txiv ho tau tag sim neej los tus niam tseem muaj feem xyuam los pam tus txiv raws li nkawv kev txij nkawm.
6. Yog ib nkawm niam txiv twg sam sim hais rooj plaub, yog ib tug tau tuaj xyuam phaj foob ib tug tsis hais ntev los luv suav txij li hnuv ntawv mus yog rooj plaub hais tsis tau tiav, tiam sis nkawv ib tug ho tau tag sim neej lawm los nkawv tseem muaj feem xyuam los nres lub ntees raws li nkawv kev niam txiv.

TSHOOJ VIII: Ua Niam Txiv Nyob Ua Ke Tsis Tau Sib Yuav Raws Li Kab Lis Kev Cai

Yog ib nkawm niam txiv twg nyob ua ke li 1 xyos rov saud los yog muaj tub muaj ki lawm. Qhov nov txhais tau hais tias nkawv yeej yog txij nkawm lawm, yog ib tug tau tag sim neej los ib leeg yuav tsum muaj feem xyuam los nres lub ntees raws li nkawv kev txij nkawm.

TSHOOJ IX: Sib Nrauj Tus Txiv Muaj Kev Txhaum

- A. Yog ob tus neeg sib nrauj vim tias tus txiv tsev tau ua txhaum rau tus niam tsev, tus txiv tsev yuav tsum tsis muaj cai tsib kom niam tais yawm txiv / tus poj niam los cov neej tsa ntxiv nqi tshoob rov qab.
- B. Tus txiv tsev yuav tsum thim cov nyiaj ncauj tsiag kom puv ntoob rov rau tus niam. Yog tias thaum ua neej nyob ua ke, es nkawd muab cov nyiaj ncauj tsiag no siv tag lawm los tus txiv yuav tsum tau them rov qab rau tus niam kom puv ntoob.
- C. Faib me tub me nyuam, cuab yeej tuam txeem, txhua yam raws li nkawd ob leeg pom zoo.